



BOSNIA AND HERZEGOVINA

Ministry for Human Rights and Refugees

Broj:UP-I-05-07-7-19-5/19

Sarajevo, 21.06. 2019. godine

Na osnovu člana 61. stav (2) Zakona o upravi ("Službeni glasnik BiH" br. 32/02, 102/09 i 72/17), člana 14. stav (2) Zakona o slobodi pristupa informacijama u Bosni i Hercegovini ("Službeni glasnik BiH" br. 28/00, 45/06, 102/09, 62/11 i 100/13), rješavajući po zahtjevu za pristup informacijama Bore Nedića iz Maglaja, ministrica za ljudska prava i izbjeglice, donosi:

RJEŠENJE

1. Odobrava se pristup informacijama Bori Nediću.
2. Rješenje stupa na snagu danom donošenja.

O b r a z l o ž e n j e

Službenica za informiranje Ministarstva je zaprimila zahtjev za pristup informacijama od strane Bore Nedića iz Maglaja u kojem traži informacije u vezi „mojih aplikacija za dodjelu pomoci za povratak na prijeratno prebivaliste“. U zahtjevu podnositelj navodi kako se 2001. godine pod registarskim brojem: 1949 prijavio za dobrovoljni povratak na prijeratno prebivaliste.

U daljem tekstu zahtjeva podnositelj tvrdi da ni za jednu aplikaciju nije dobio odgovor te iznosi tvrdnje o navodnim slučajevima realiziranih donacija, ne navodeći podatke o donatorima ili implementatorima projekata. Podnositelj je zahtjevom zatražio da mu se odobri pristup informacijama „koje zemlje su donatori i podatke o tročlanoj komisiji te rjesenje za moj problem ili da mi oduzmete pravo na povratak i pravo na državljanstvo“.

Rad Ministarstva je javan te Ministarstvo po zahtjevima za pristup informacijama s kojima raspolaže postupa u skladu sa Zakonu o slobodi pristupa informacijama u BiH i Vodiču za pristup informacijama u Ministarstvu. U tom smislu Ministarstvo svakoj fizičkoj i pravnoj osobi omogućava pristup informacijama koje su pod kontrolom Ministarstva. Postupajući po članu 14. st. (1) i (2) Zakona o slobodi pristupa informacijama u BiH utvrđeno je kako se može odobriti pristup traženim informacijama. Na osnovu gore navedenog odlučeno je kao u izreci rješenja.

Ministarstvo raspolaže samo podacima o prijavi podnositelja na Državni projekat stambenog zbrinjavanja u okviru Regionalnog stambenog programa, kao što je u prethodnom odgovoru po zahtjevu za slobodan pristup informacijama i obrazloženo. O ostalim aplikacijama koje podnositelj navodi u zahtjevu, nemamo podatke.

U ovom traženju pristupa informacijama, dodatno se traže informacije o tome koje zemlje su bili donatori i podaci o tročlanoj komisiji. S tim u vezi, DPSZ/RSP se finansira iz multidonatorskog fonda sa prevladajućim učešćem IPA sredstava koje osigurava Evropska unija. Ostali donatori su Sjedinjene Američke Države, Njemačka, Norveška, Italija, Švajcarska, Danska, Turska, Luksenburg, Španija, Kipar, Republika Češka, Mađarska, Rumunija i Republika Slovačka.

Ne postoji pomenuta tročlana komisija. Postoje tri Prvostepene komisije i jedna Drugostepena komisija, u čijem sastavu je po pet članova i po dva monitora. Također, u prethodnom odgovoru je napisano da su njihovi članovi predstavnici MLJPI i Federalnog ministarstva raseljenih osoba i izbjeglica, Ministarstva za izbjeglice i raseljena lica RS (u slučaju Brčko distrikta, predstavnici Vlade Brčko distrikta BiH), a monitori UNHCR i OSCE.

Sve navedeno je propisano Uputstvom o načinu i procedurama za izbor korisnika pomoći koja se dodjeljuje u okviru RSP-a zbrinjavanja („Sl. glasnik BiH“, broj 69/13), a koje vam i je dostavljeno u prilogu prethodnog odgovora.

Ukoliko se misli na "komisiju" koja je obavila terensku posjetu (riječ je o stručnom timu za procjenu situacije na terenu, a koji uključuje inženjere i to predstavnike MLJPI i FMROI (za područje FBiH, budući da je Maglaj u FBiH) i monitora (UNHCR).

U najvećem broju slučajeva, u terenskim obilascima učestvuju i predstavnici općine na području koje se stambena jedinica nalazi, a u konkretnom slučaju radi se o predstavniku općine Maglaj.

Pouka o pravnom lijeku:

Protiv ovog rješenja može se izjaviti žalba Žalbenom vijeću pri Vijeću ministara BiH u roku od 15 dana od dana prijema rješenja.



**MINISTRICA
Šemiha Borovac**

Šemiha Borovac

DOSTAVLJENO:

- Boro Nedić, putem e-mail adrese nedicboro50@gmail.com
- a/a.